

太師祠重修上樑文

初建講堂

伏以英傑為時出事業垂千百年經營不日成堂宇屹數十間祇瞻肅肅遺像
佇聞洋洋誦聲伏惟太師壯節申公運除虜初功著壁上晉郤縠之敦詩說禮
己自詠鳳之齡宋知節之居轂掌兵纜過舞象之歲磅礴一氣稟得降嶽之姿
風雨三韓贊成掃氛之蹟攀龍際遇異識險買鏡之文射鴻歸來神技傳落羽
之野至若值封豕之荐食判取熊之危衷手中之三尺難施凜乎紀信之代死
足下之七星猶記宛爾先軫之如生昭陽春流長繞悲方之洞桐山暮雨空沾
志士之襟太師忠節庾公山東英材湖南雄畧除青木之奇兆已決擇禽之謨
護白水之真人夙贊搏鴨之烈勁寇協氣慷慨流島之書神人效靈丁寧湯井
之夢凡征討受命不宿猗智勇到老無愆太師武恭卜公挺神智於蒼龜紆壯
猷於衛虎半夜秘計指託運於秦封暗地炳機揣叛狀於宣吉共贊周一戎業
海晏河清并與漢三傑稱出將入相太師武烈裴公曾藏萬甲手握寸籌日盪
陳橋密贊舉義之策夜入蔡堞殲著掃穢之勲得如彼專卑如彼功善與管晏
之匹以非常禮酬非常烈殆若方召之賢莫止繪旂常之規庶保鞶帶礪之誓
肆以南宮鑄金之思厥有西城鎔鐵之儀英貌勁姿依然風塵際蹴踏鐵衣雪

甲忱若羅濟間叱咤論功業則三士上人薦芬苾而一體同祀卓然萬世之立
 紀光揭日星儼若七分之傳神名振草木精爽不昧於泉下異蹟亦多於人間
 武穆王之著靈見旌旗於陰雨壽亭侯之顯相助神兵於氛塵倚 重宸軫旌
 忠之圖而遺廟紆賜額之典歷溯遠牒庸寓千載之曠懷爰命道臣特書三字
 之表揭牲酒肥潔忱見百戰之來酣茄鼓凝清尚想八關之盛會斯體 聖朝
 褒崇之意爰修多士講肄之基自此同人于宗已見鳩材運石竊取大壯之義
 要備上兩旁風雒陽之廟貌重新春嘗夏禴西河之講徒爭集朝誦暮吟奚但
 忠節表揚之方抑為士林矜式之所入則孝出則悌此可藏修於身家幼而學
 壯而行亦將羽儀於 王國勗爾郢匠聽我巴歛兒郎偉拋樑東松嶽山頭曉
 日紅扶植三綱撐宇宙當年做得讀書工兒郎偉拋樑西秋天寥廓鴈羣迷將
 軍妙技無虛發三百弓田上上題兒郎偉拋樑南平臨官道草髮鬚來來去去
 行人式尚憶神功統合三兒郎偉拋樑北山勢逶峨復勇前百雉金湯壯 我
 朝屹為保障拱皇極兒郎偉拋樑上陟降在天天宇曠風馬兩車暮又朝殿高
 崇義爭瞻仰兒郎偉拋樑下簫鼓年年走里社歲熟時和歌太平頌登費舍繼
 風雅伏願上樑之後陵谷不變棟宇長存蜀廟丹青耀百代之耳目魯城絃誦

魁一鄉之衣冠玄醴丹荔之祇將壽我福我黃童白髮之自樂生斯長斯

歲癸亥八月上澣弘文館應教中龜朝撰